



Historia De Sanctissima Crvce Caravacensi

Robles, Juan de

Augustae Vind., 1619

IV. Admiranda S. Crvis Carauacensis apparitio, cuius occasione
Zeit-Abuzeit sidem Christianam amplectitur.

[urn:nbn:de:hbz:466:1-64232](#)

stor  regis Alphonsi Sapientis, & Marmol in sua Historia Africana, vel secundum Marianam, Anno M C C X X I V.

Ginesius ne elaberetur opportunitas bene merendi de capti-
vis Christianis, adiuit ad regem Ferdinandum, supplexque obse-
crauit, ut ante discessum impetraret a rege Abuzeit litteras publi-
ca: fidei, quibus fieret sibi potestas in illius regna penetrandi,
C H R I S T I Q; verbum disseminandi, & consolandi captiuos,
maxime qui Carauac  in arcta custodia seruabantur. Quod cum
Ferdinandi nomine a rege Abuzeit peteretur, ille quam humanis-
sim  desiderio satisfecit; Ginesius tamen profectionem distulit in
aliud tempus, ut prius corrogaret subsidia pecuniaria pro redem-
ptione captiuorum, quae cum ex piorum hominum munificentia
collegisset, in viam se dedit, ut constat ex scriptis peruetustis quae
in Ecclesi  Conchensi asseruantur, & commemorat F. Ioan.
Egydius Zamorensis.

CAPUT IV.

ADMIRANDA S. CRVCIS CARAVACE NSIS:
apparitio, cuius occasione Rex Zeit-Abuzeit fidem Chri-
stianam amplectitur.

REX Zeit-Abuzeit securus rerum suarum propter amicitiam,
& fœdus cum regibus Aragoniae & Castellae initum, sedem
& familiam suam transtulit Carauacam, in locum videlicet amo-
niorem & salubriorem Anno M C C X X I I vbi cum cognouisset
ex suis Ginesium liber  per regnum discurrere, & Euangelij prae-
dicatione Mahometi dogmata euertere, absque mora iussit eum
in vincula coniuci, & reliquis Christianis captiuis accenseri: qui
cum quereretur iniuriam sibi inferri, & publicam fidem contra-
ius gentium violari, rex affirmauit, quod nisi eius rationem ha-
buiisset, iam pridem morti adiudicaturum fuisse: ad captiuos enim
iuandos eum admissum precario, non ad Mahometi doctrinam
refellendam. Itaque ad finem usque Ianuarij insequentis anni
squalorem carceris tolerare coactus est. Deinde sub finem Martij
incessit regem pietate quadam comotum videndi & cognoscen-
dicupido, quod quisque captiuorum officium gessisset, quamue
artem.

atatem factitiasset, ut hac ratione poena, quam in ergastulis & antris sustinerent, aliquantulum mitigaretur. Cum inter alios adduceretur quoque, & sisteretur Ginesius, de sua functione rogatus respondit se esse sacerdotem CHRISTI Domini, sacerdotis autem munus omnes dignitates hominum terrestrium, etiam regum ipsorum, excedere. nam qui ad sacerdotij honorem evehuntur, tanta potestate donari, ut verbis paucissimis, quae CHRISTVS proferenda expressit, statim idem IESVS CHRISTVS verus DEVS descendat, & ex pane, quem sacerdos manu tractat, per stupendam, & admirandam mutationem, fiat eius caro viua. Dicta Ginesij risa quidem exceptit Abuzeit, se tamen ait velle experiri, quomodo haec probarentur veritati consentanea. Et hoc forte desiderium iniecit regi DEVS, ut ad Christianam religionem cor eius citius inclinaret, vel quod ipse cogitauit Ginesium libertati afferere in gratiam regis Ferdinandi, quo interpellante, in regnum veniendi copiam fecit Ginesio. Iussit ergo eum operi se protinus accingere, & artis tam inauditæ specimen dare. Excusauit Ginesius, quod sacræ vestes, aliæque res necessariæ non essent in promptu, nec inuenirentur nisi in loco Christianis habitato. Rex omnis moræ impatiens, & curiositate tractus misit Concham, quæ ciuitas Christianorum erat proxima, ut quæcunque Ginesius enotarat, inde adferrentur. His ad III. nonas Maias anni M.C.CXXXII. quo die Romana Ecclesia solenni ceremonia Inventionem S. CRUCIS recolit, properè allatis, rex voluit sanctum vitum munus suum exercere. Paruit ille, & iam sacræ vestibus amictus, à necessarijsque ornamentis instructus processit ad altare, quod hoc sine erectum in eadem turri, in qua hodie facellum S. CRUCIS cernitur, ut officium Missæ de more auspicaretur. Ecce autem dum ordiri parat, animaduertit CRUCEM deesse, cuius neq; ipse meminerat in indiculo rerum. Concham adferendarū, neq; mittere Conchensisbus in mentem venerat. Quo casu valde percussus Ginesius effauit, causamque perturbationis anxiè regi querenti respondit deesse sibi CRUCEM, rem ad peragendum sacrificium hoc maximè dic necessariam, quo S. CRUCIS inuentæ annua memoria repetitur. Verum DEVS perfectionis auctor, ne quicquam imperfectum relinqueret, & ne fidelem ministrum diutius destitutum solatio pa-

B. 3 teretur,

teretur, suppleuit illud abunde quod defuit. Iussit enim duos Angelos, quorum alter oppidi Caraueacæ, alter regis tutelaris fuisse ab antiquis traditur, pergere Hierosolymam, & ad aram momento CRUCEM deferre, quam Robertus illius ciuitatis patriarcha è collo pendentem gestare consueuerat. Dictum, factum. Rex intentis ad ipsam facelli testudinem oculis, vidit duos Angelos aspergibili forma ligneam CRUCEM, & per fenestram tecto proximam multis comitantibus illabi, sanctumque pignus sollicito sacerdoti in manus tradi, gaudio collachrimantibus, & grates immensas CHRISTO seruatori agentibus captiuis pro tam insigni miraculo, quo fidem nostram corroborare, & latius propagare constituit. His ex Ciacone sumptis lib. de signis S. Crucis, c. 35. addit F. Io. Aegydius, Angelos tanti munieris baiulos affirmasse, quod S. CRUCEM ex Patriarchæ Hierosolymitanæ Roberti collo abstulerint, eamque fabricataam ex vero ligno CRUCIS, & id quidem compertum postea fuisse ex nuncio à Carauecentibus Hierosolymam missa.

Lætus itaque tam singulari Cœlitum pignore sacerdos, diuinum officium inchoauit; & cum hostiam rite consecratam in altum sustolleret, vidit Rex in ipsius manibus pulcherrimum, & nimio fulgore coruscantem infantulum. Re demum sacra ad finem perducta, ipse cum multis ex nobilitate priuatim non obscura dedit indicia se ad fidei veritatem agnoscendam propendere, publicè tamen dissimulandum ratus est, ne subditi propter nouitatem reperitam in rebellionem conspirarent, in quam nihilominus post paulum conspirarunt. Sed interim ad declarandum quo modo gaudium, quo animus ex salutari commutatione perfundebatur, iussit populum præconis voce aduocari, & more gentis, in ipso arcis atrio taurum indomitum agitari. Ad quod spectaculum Haylam reginam vxorem suam, in nemore quodam vnâ cum liberis animi relaxandi causa commorantem inuitari curauit; quæ tamen de propensione mariti in Christianam religionem, & signis quibusdam ab eo proditis clanculum admonita venire hisce verbis recusauit: Ista mihi Cara vacca est. Ex quo tempore nomen huic oppido inditum, vel potius restitutum permanit, quod ob crebras barbarorum incursiones pœne in obliuionem

uionem abijisse creditur, quia Dextrus scriptor ante annos M C C.
& Julianus Toletanus appellant Caravacam.

De stupenda hac & famâ iam notissima huius S. CRVCIS ap-
paritione tanquam de re suo tempore gesta, fecit honorificam
mentionem F. Ioan. Ægydius Zamorensis in additionibus, siue
aduersarijs, iussu regis Ferdinandi Sancti, contra quædam Juliani
in æde S. Iustæ Toleti Archipresbyteri scripta vulgatis, ut testifica-
tur charta P. Hieronymi Romani de Higuera Soc. I E s v, ex qua
omnia fere hactenus recensita mutuati sumus. Licet verò ex an-
tiquis picturis, quæ in facello S. CRVCIS adhuc supersunt, videre
sit regem in eo baptizatum, prædictus tamen auctor non explicat
diserte, quando, & ubi factum. Necesse siquidem fratreum priùs fi-
dei mysterijs imbuere, ac proinde non statim Baptismi sacra-
mentum rudi & ignaro impertiri, maximè cùm circa idem tempus Za-
chen, Denix dominus, iphi se opponeret, & bellum meditaretur,
ideoque rex occupatus tutò non posset exequi propositum. Ex
chronicis quidem Aragonum colligitur eum sacro fonte lustra-
tum ab Episcopo Cæsaraugustano, cui sententiæ suffragantur
Beuter & Mariana recentiores: in ipsis tamen facelli picturis ex-
primitur sacerdos eum sacris vndis perluens, vt suo loco fusiùs
docebitur, & idem omnino confirmat relatio Conchensis, quæ
addit duos ei fuisse patrinos equestris dignitatis viros ex captiuo-
rum numero delectos. Sed siue sacerdos ille, siue Episcopus regi
Baptismum administrârit, historicæ veritati nihil decedit, neque
accedit.

CAPVT V.

O S T E N D I T V R S. C R V C E M C A R A V A-
*censem ex ipissimo ligno confectam, in quo mortem
sustinuit.*

Andagandam & exactius cognoscendam huius S. CRVCJS
originem, meritò sunt præmittenda, quæ F. Franciscus de
Aranda Prouincialis ordinis S. Francisci libro suo inseruit, quem
verè accurateque conscripsit de Terra sancta. Sic enim ait: In fa-
cello passionis tres ardent Græcorum lampades; in cuius septen-
trionalis parietis medio, prope rotam, quæ dicitur, *Noli me tan-
gere, est porta, ad quam quatuor gradibus ascenditur.* Per hanc
portam